

vocantur, aquosa: quæ Eratonos, sitiens. Regum uero præfæcti fuere. Intraorsus Candei, quos Ophiophagos vocant, serpentibus vesci assueti. Neque alia regio fertior earum. Iuba qui videtur diligentissime profectus hæc, omisit in hoc tractu (nisi si exemplarium vitium est) Berenicen alteram, quæ Panchrysos cognominata est. Tertiam quæ Epidires, insignem loco. Est enim sita in ceruice longe procurrente, ubi fauces rubri maris, iiii. M. d. pass. ab Arabia distant. Insula ibi Cytis, topazium ferens & ipsa, ultra syluam, ubi Ptolemais à Philadelpho condita ad venatus elephantorum ob id Epiteras cognominata, iuxta lacum Monoleum. Hæc est regio secundo volumine à nobis significata: in qua xlv. diebus ante solstitium, totidemque postea, hora vi. consumuntur umbræ, & in meridiem reliquis horis cadunt, cæteris diebus in septentrionem: cum in Berenice quam primam posuimus, ipso die solstitij vi. hora umbræ in totum absumentur, nihilque adnotetur aliud noni. d. cij. M. pass. interuallo à Ptolemaide: res ingētis exempli: locusque subtilitatis immensa, mundo ibi deprehensio: cum indubitata ratione umbrarum, Eratosthenes mensuram terræ prodere inde cepit. Hinc Azanium mare, promontorium quod aliqui Hispalum scripsere. Lacus, Mandalum. Insula Colocastis, & in alto multæ, in quibus testudo plurima. Oppidum, Suchæ, insula Daphnidis. Oppidum Aduliton. Aegyptiorum hoc serui à dominis profugi condidere. Maximum hic emporium Troglodytarum, etiã Aethiopum. Abest à Ptolemaide v. dierum nauigatione. Deferunt plurimum ebur, rhinocerotum cornua, hippopotamorum coria, celtium testudinum, sphingia, mancipia. Supra Aethiopes Arotetes. insula quæ Aliem vocantur, item Bacchias & Antibacchias, & Stratonis. Hinc in ora Aethiopiæ sinus incognitus, quod admiremur, cum vltiora mercatores scrutentur. Promontorium in quo fons Cucios, expetitus nauigantibus. Ultra Isidis portus x. dierum remigio ab oppido Adulitarum distans. In eum Troglodytis myrrha confertur. Insula ante portum duæ Pseudopylæ vocantur, interiores totidem Pylæ. In altera stelæ lapideæ literis ignotis. Ultra sinus. Abalites. Insula Diodori, & aliæ desertæ. per cõmentem quoque; desertæ. Oppidum Gaza, promontorium & portus Mossylites, quo cinnamomum deuehitur. Hucusque; Sesostris exercitum duxit. Aliqui vnum Aethiopiæ oppidum ultra ponunt in littore Baragaza. A Mossylite promontorio Atlanticum mare incipere vult Iuba, præter Mauritanias suas Gadis usque; nauigandum corro. Cuius tota sententia hoc in loco subtrahenda non est. A promontorio Indorum quod vocatur Leptacra, ab alijs Drepanum, proponit recto cursu præter exusta ad Malchu insulam xv. M. pass. esse. Inde ad locum quem vocant Sceneos, ccxxv. M. Inde ad insulam Sadanum cl. M. passuum. Sic fieri ad apertum mare xviii. lxxxv. M. pass. Reliqui omnes propter solis ardorem nauigari posse non putauerunt. Quin & com-

mercia ipsa infestant ex insulis Arabes Ascitæ appellati, quoniam bubulos vtres binos sternentes ponte, piraticam exercent sagittis venenatis. Gentes Troglodytarum idem Iuba tradit Therotoas à venatu dietos, miræ velocitatis: sicut Ichthyophagos, natantes ceu maris animalia: Bargenos, Zageras, Chalybas, Saxinas, Syrecas, Daremas, Domazanes. Quin & accolæ Nili à Syene non Aethiopi populos, sed Arabum esse dicit usque; Meroen. Solis quoque; oppidum quod non procul Memphi in Aegypti situ diximus, Arabes conditores habere. Sunt & qui vltiorem ripam Aethiopiæ auferant, adnectantque Africa. ripas autem incoluere propter aquam. Nos relicto cuique; intelligenti arbitrio, oppida quo traduntur ordine vtrinque; ponemus. A Syene, & prius Arabiæ latere, gens Catadupi. Deinde Syenitæ. Oppida, Tacompson, quam quidam appellauerunt Thathicen, Aranium, Sesanium, Sandura, Nasaudum, Anaudoma, Cumara, Beta & Bochiana, Leuphitorga, Tantarene, Mæchindira, Noa, Gophoa, Gystæ, Megeda, Lea, Rhemmia, Nupsia, Direa, Pataga, Bagada, Dumana, Rhadata, in quo felis aurea pro deo colebatur. Boron in mediterraneo, Mallos, proximum Meroæ. sic prodidit Bion. Iuba aliter: Oppidum in mote Megaticos, inter Aegyptum & Aethiopiæ, quod Arabes Myrson vocauerunt. deinde Tacompson, Aranium, Sesanium, Piden, Mamuda, Corambin, iuxta eam bituminis fontem, Hammodara, Prosa, Parenta, Mama, Tessara, Gallas, Zoton, Graucomen, Emeum, Pidibotas, Hebdomecontacometas, Nomadas in tabernaculis uiuētes: Cysten, Peman, Gadagalen, Paloin, Primmim, Nupsin, Daselin, Patin, Gambreues, Magasen, Segasmala, Cranda, Denna, Cadeuma, Thena, Batha, Alana, Macua, Scammos, Goram in insula: ab ijs Abala, Androcalim, Seren, Mallos, Agocen. Ex Africa latere tradita sunt eodem nomine Tacopsos altera, siue pars prioris: Mogora, Sea, Edosa, Pelenaria, Pyndis, Magusa, Bauma, Linitima, Spyntuma, Sydopta, Gensoa, Pindictora, Eugoa, Orsima, Suasa, Mauma, Rhuma, Vrbubuma, Mulona, quod oppidum Græci Hypaton vocarunt: Pagoargas, Zannes, vnde elephantum incipiunt: Mamblia, Berresa, Cetuma. Fuit quondam & Epis oppidum contra Meroen, antequam Bion scriberet, deletum. Hæc sunt prodita usque Meroen. ex quibus hoc tempore nullum prope vtroque latere extat. Cætera solitudines, nuper renuncianere principi Neroni, missi ab eo milites pratoriani cum tribuno ad explorandum, inter reliqua bella & Aethiopicum cogitanti. Intrauere autem & eo arma Romana diui Augusti temporibus, duce P. Petronio, & ipso equestris ordinis præfecto Aegyptijs. Oppida eorum expugnauit, quæ sola inueniat, quo dicemus ordine: Pselchin, Primmim, Aboccin, Phthurin, Cambusin, Attenan, Stadisin, ubi Nilus præcipitans se, fragore auditum accolis aufert. Diripuit & Napata. Longissime autem à Syene progressus est d. ccclxx. M. passuum.

Nec tamen